

Futbola

ZENTRAL DONOSTIARRAREN FITXAKETA EZ DA ORAINDIK OFIZIALA, BAINA AKORDIOA LORTUTA DAGO

Antiak Realean jokatu du

■ Badirudi Realak azkenean aurrelari baten ordeztu zentral bat fitxatu duela. Talde txuri-urdinaren konfirmazioa falta bada ere, atzoko berrien arabera Mikel Antia Valladolideko futbolari donostiarra izango da Realeko jokalaria berria.

Estitxu Elduaen / Donostia

BERND KRAUSSEK atzo eman zuen prentsaurrekoan argi utzi zuen ez duela aurrelari gehiago fitxatuko, baina zentral baten beharra azpimarratu zuen. Badirudi Iker Sarriegiren lesioak gauzak aldatu egin dituela: «Sarriegiren lesioa dela eta, bere postuan jokatzeko beste futbolari bat ekartzea nahi dut. Oraindik ez dago ezer itxita, baina baliteke fitxaketa oso epe laburrean egitea», adierazi zuen Realeko entrenatzaileak. Eta badirudi dagoe-natzailak. Eta badirudi dagoe-neko aurkitu duela jokalaria hori; atzo entzundakoaren arabera, Mikel Antia Valladolideko jokalaria da Realak postu horretarako fitxatu duen gizona.

Realeko ordezkariak ez dute oraindik Antia fitxaketa konfirmatu, baina Valladolideko ordezkari batzuek esandakoaren arabera, bi taldeak iritsi dira akordio batera. Antia 400 milioi pezeta (16 milioi libera) klausek du, baina badirudi Realak diru kopuru txikiagoa ordainduko duela, 200 milioi pezeta (8 milioi libera) inguru. Antia Valladolid taldean duen egoerak jokalaria gaztearen fitxaketa erraztu egin du. Vicente Cantatore Valladolideko entrenatzaileak Garcia Calvo Real Madridera jokalaria fitxatu nahi zuen, eta atzo bertan jakin zen akordioa lortuta dagoela. Garcia Calvo Valladoliden jokatu du hurrengo bost denboraldietan. Horrenbestez, Antia taldea uzteko erraztasun guztiak izan ditu, eta horrek Realaren fitxaketa erraztu duela esan daiteke. Gainera, talde txuri-urdinak beti izan du Antia ekartzeko interesa, eta badirudi oraingoa Donostian izango dela jokalaria.

Mikel Antia esku dago Realera etortzea. Real eta Valladoliden artean akordioa lortuta dagoela dirudi, eta orain jokalaria erabakiko soilik falta da. Valladoliden jokatzeko dituen aukerak ikusita, ziurtatzen joa daiteke baiezkoa berehala izango dela. Antia berak atzo egindako adierazpenetan ez zuen ezer ziurtatu, baina Realean jokatzeko gogoazaldu zuen: «Oraindik hitz egiten ari gara, eta ez dago ezer ziurtatzerik. Baina niri ilusioa egingo didake Donostian jokatzeko». Beraz, itxura guztien arabera, Realean izango da Mikel Antia oso denbora laburrean.

Sa Pinto inbertsio bat • Bestalde, Ricardo Sa Pintoren fitxaketa Realaren etorkizunera begira inbertsio bat dela adierazi zuen Luis Uranga presidenteak. Jokalaria urtebete jokatu gabe egotea zigorra duela badakite Reale-



Bernd Kraussek aurreratu zuen atzo goizean Real zentral bat fitxatzeko negoziaketa egiten ari zela.


ANDER GILLENDA

Hiru denboraldi Lehen Mailan

MIKEL ANTIA MENDIA-RAZ Donostian jaio zen 1973ko otsailaren 13an; beraz, 24 urte ditu. 1.88 metroko altuera du eta 80 kiloko pisua. Aitaren lanagatik, familiak Donostian joan egin behar izan zuen, eta Mikel Antia Real Madrident hasi zuen karrera. Real Madrid C taldean jokatu zuen 1991-92ko denboraldian, handik Real Madrid B taldera pasatu zen (1992-93 eta 1993-94) eta gero Celtara joan zen. Galizian beste urtebete egin

zuen, eta 1995-96ko denboraldian Valladolid-ekin fitxatu.

valladolidekin debutatu zuen Lehen Mailan 1995eko irailaren 3an, Barcelonaren kontra (0-2 irabazi zuten kataluniarrek). Valladoliden eman dituen bi denboraldietan, Antia 56 partiduko jokatu ditu guztira, eta ez du golik sartu. Vicente Cantatorek minutu dextentetan ateratu du zelaira denboraldi-aurrean (donostiarrak partiduen erdiak jokatu ditu), eta UEFArako zerrendan



Mikel Antia.

ere sartu du. Bazirudien denboraldi honetarako zentrala entrenatzaile txiletarraren eskemetan sartzen zela.

Jokalaria Realekin fitxatzeko oso interesatuta agertu zen atzo. Txikitatik Realaren zalea izan da, eta Donostiara itzultzeak «ilusio handia» egingo liokeela adierazi zuen. Iker Sarriegiren lesioak ireki dizkio Realaren ateak, eta orain Krausen eskemara nola egokitzen den ikusi behar da, denboraldi-aurre guztia galdu baitu.

kasua itxita dago jadanik, baina badirudi denborak guri eman digula arrazoia, zeren oraindik ez da ezer erabaki.

Kontuak kontu, Sa Pinto jadanik Realeko jokalaria da. Gainera, talde txuri-urdinari hasieran espero baino merkeago ateratu zaio portugaldarra, zigorra dela medio Lisboako Sportingekin hasiera batean heldutako akordioak aldatu izan baititu. Diru kopuruari buruz hitz egin ez bazuen ere, Urangak aldatuak egon direla aitortu zuen: «Lisboako Sportingekin genuen lehengo akordioa aldatu egin dugu, hasieran jokalaria jokatzeko gai izango zela ziurtatzen jotzen baikenuen. Dena den, aldatu eta guzti, bai Sporting eta bai Real oso gustura gelditu gara». X

ko ordezkariak, baina hala ere portugaldarra fitxatzea hartu zezaketen erabakirik onena izan dela iruditzen zaio Luis Urangari: «Jokalaria fitxaketak zituen alde onak eta alde txarrak aztertutitu, eta azkenean fitxatzea erabaki dugu. Sa Pinto jokalaria internacionala da, gaztea eta kalitate handikoa, eta hori argi ikusi dugu taldearekin aritu den hilabete eta erdi honetan. Horregatik fitxatu dugu lau denboraldirako, horrez guztiaz gain taldeari profesionalitate emango baitio. Realarentzat fitxaketa emankorra izango dela ziur gaudela, bai diru aldetik eta bai kirol aldetik», esplikatu zuen Realeko presidentek.

Gerora begira erabaki du Realak Sa Pinto fitxatzea. Talde txuri-uridineko ordezkariak badakite

Sa Pintok agian ezingo duela aurretengo denboraldian jokatu, baina Urangaren esanetan horrek ez du bere mailako jokalaria bat galtzerik merezi. Gainera, zigorra murrizteko esperantzak azaldu zituen presidentek: «Hala ere, Sa Pintoren zigorra gutxitzea nahi dugu, eta hala gertatuko dela espero dugu. Realean lehenbaila jokatzeko moduan nahi dugu jokalaria». Oraindik inork ez daki noiz arte itxaron behar den Sa Pintoren zigorra zehaztasunez ezagutzeko. Momentuz zigorra urtebeterako da, baina ez da jakin zigor horrek Portugaldik kanpo eraginik izango duen. Presidentaren hitzetan, Realak ere ez daki nola dagoen kontu hori: «Guk ez dakigu behin-behineko erabakia noiz hartuko den. Prentsa-aren esanetan Sa Pintoren

Larrazabal negoziatzen ari da Athleticen kontratua berritzeko

■ Jokalariak azaldu dutenez, baliteke aste honetan bertan gauzatzea akordioa

Ramon Basaldua / Bilbo

ATHLETICEK ez du Karankarekin izan zuen ezustea berriro izaterik nahi, horrenbestez taldeko jokalaria batzuekin negoziatzen ari da haien kontratuak luzatu eta klausula handitzeko. Ildo horretan, Bittor Alkiza eta Aitor Larrazabalen ordezkariak Athleticen arduradunekin hitzketan ari dira. Jose Mari Arratek zuzentzen duen direktibak hiru urterako kontratua eskaini die bi jokalariei. «Ez dakit gauza handirik kontu horretaz. Nolanahi dela, nire ordezkariak esan didanez, ez dirudi arazorik egongo denik akordiora iristeko. Negozioak nahiko aurreratuta daude», adierazi zuen atzo Bittor Alkizak Lezaman.

Aitor Larrazabali dagokionez, Athleticen hiru urterako kontratua eskaini dio. Loiu atzelariak, berriz, epe luzeagoa nahi du. «Zortzi urte darabatzat lehen taldean, eta merezi dudana tratatu izatea espero dut. Taldeak hiru urte eskaintzen dizkit eta nik gehiago nahi dut. Dena den, ez dut uste arazo handirik egongo denik», azaldu zuen atzo Larrazabalek.

Beste alde batetik, Julen Guerrero klubaren deia zain dago kontratua berritzeko. «Taldea ez dit ezer esan. Gainera, ni gustura banago, ez du garrantzirik kontratuan dudana klausula». Carlos Garciaeren ordezkaria ere laster hasiko da hitzetan Athleticen arduradunekin, haren kontratua luzatzeko.

Alkorta normaltasunez entrenatu zen atzo

• Luis Fernandezek zuzendu zuen atzo goizean zuri-gorriek Lezaman egin zuten entrenamendu saioa. Pierre Alonzo bigarren entrenatzaileak zuzendu zuen astelehen arratsaldeko entrenamendua Fernandez Frantziar zegoelako. Julen Guerrero normaltasunez aritu zen, aurreko egunean bekorian zauria izan arren. Rafa Alkorta kideekin batera aritu zen, eta azken orduko arazorik ezean jokatzeko moduan izango da igandean. Patxi Ferreira Lezaman izan zen atzo, astelehenean AFEn bileran izan ondoren. Atzelaria gimnasioan aritu zen itzurrean duen lesioa osatzeko. Mikel Lasak ere bere kabuz jardun zuen. Legorretakoa baikor dago eta Ligako bigarren jardunaldirako jokatzeko prest egotea espero du. X